

Areglo di Promoshon di Lesamentu

Ku e areglo di Promoshon di Lesamentu, Letterenfonds ta enkurashá i sostené proyekto riba tereno di promoshon di lesamentu ku, debí na nan karakter òf konsepto inovativo, ta komplementá e programanan eksistente. Un organisashon por apliká pa finansiamentu pa diferente tipo di aktivitat pa grandi i chikí: di klup pa lesamentu te proyekto digital, i di tayer di skirbimentu òf aktuashon kreativo te aktivitat dirigí riba intermediario. Of pa proyekto ku no ta eksistí ainda, pero ku ta importante pa introdusí pa stimulá lesamentu.

Pa ken

Organisashon ku ta produsí i implementá aktivitat di promoshon di lesamentu òf edukashon di literatura.

Pa kiko

Proyekto no-komersial ku ta enfoká riba promoshon di lesamentu den Reino Hulandes.

Kuantu

E aplikante por apliká pa un mínimo di €25.000 i un máksimo di €50.000.

Plafòn di supsidio

€ 850.000

Deadline

Djárason, 3 di sèptèmber 2025, 5'or di atardi ora di Hulanda, 11'or di mainta ora di Karibe

Proyekto realisá anteriormente ku a keda establese pa medio di e areglo piloto di Promoshon di Lesamentu ta inkluí Utrecht Doventheater – un teater spesial pa hende surdu na Hulanda, e festivalnan di lesamentu den Karibe di Biblionef, e komunidatnan di literatura di Noordwoord, i e bukinan di imagen digital di Fundashon Vinci.

Ken por apliká?

- Solamente un entidat hurídiko sin fin di lukro ku ta establese den Reino Hulandes (Hulanda europeo i e parti karibense di reino) ku kapasidat hurídiko kompleto ku ta produsí i/òf ta realisá aktividat di promoshon di lesamentu òf edukashon di literatura por apliká pa supsidio.
- Skol, universidat i munisipio no por apliká pa supsidio bou di e areglo akí.
- Un organisashon ku, den e aña di aplikashon, ta risibiendo un supsidio di mas aña di Letterenfonds, no por apliká pa un supsidio bou di e areglo akí den e promé dos añanan di e periodo di maneho (2025-2028).
- Un aplikante por entregá un máksimo di un aplikashon pa kada buèlta di supsidio, pero por ta enbolbí tòg komo un partido kolaboradó den proyekto di otronan.

Pakiko?

Hende ta lesa ménos i e abilidadan di lesamentu ta deteriorá. Esaki ta un problema, pasobra lesamentu ta oumentá bo oportunidatnan den sosiedat, e ta yuda bo desaroyá, i e ta stimulá pensamentu krítiko. P'esei Letterenfonds ta sostené proyekto pa promoshon di lesamentu, ku e meta pa kontribuí na promoshon di lesamentu na un manera duradero, den konsulta ku e sektor. Nos ta buska spesialmente e proyektonan ku ta komplementá loke tin riba merkado kaba, por ehèmpel, pasobra nan ta usa un konsepto inovativo, ta digitalmente inovativo, ta drenta den asosyashonnan nobo, ta sirbi un region nobo, òf ta yega na un grupo meta ku ta sup-eksponé.

Un proyekto tin un durashon máksimo di 1 aña.

Kiko nos ke men ku promoshon di lesamentu?

Proyekto di promoshon di lesamentu ta enkurashá lesamentu di buki i ta kontribuí na oumentá abilidad di lesamentu, motivashon di lesamentu i plaser den lesamentu. Esaki ta inkluí:

- proyekto ku ta enkurashá pa lesa buki i teksto riku;
- proyekto ku ta enfoká riba lesamentu na bos haltu;
- proyekto ku ta enkurashá pa tuma reto di lesamentu nobo, por ehèmpel, den forma di otro género òf tema;

- proyekto ku ta insitá reflekshon literario òf komprondementu literario;
 - proyekto ku ta enfoká riba forma no-skirbí di literatura, manera literatura oral òf performativo, manera buki di oudio, ‘spoken word’, presentashon den idioma di seña hulandes (NGT), òf teater;
 - proyekto ku ta enbolbí partisipante aktivamente ku sierto género òf forma literario spesífiko enkurashando nan pa nan mes skirbi òf krea algu;
 - proyekto ku ta enfoká riba intermediario manera dosente, mayor, òf biblio-/mediatekario, pa stimulá nan konosementu i entusiasmo pa lesamentu i promoshon di lesamentu.
- Proyekto ku ta enfoká solamente òf pa gran parti riba e abilidadnan tékniko di lesamentu no ta eligibel.

Kuantu

- Un organisashon por apliká pa un supsidio entre € 25.000 i € 50.000.
- Un aplikante mester finansiá por lo ménos 25% di e gastunan di e proyekto for di su propio rekursonan òf di otro manera.
 - Si e aplikante ta den Karibe, òf si un organisashon ta na Hulanda europeo pero ta apliká pa un proyekto ku ta tuma lugá den Karibe ku un partner lokal, e ora ei e porsentahe akí ta 10%.
 - Si e aplikante ta un biblioteka, un instansia di sosten provinsial, esta un Provinciale Ondersteuningsinstelling (POI), òf un instansia nashonal di sosten di biblioteka, e ora ei e aplikante mester finansiá por lo ménos 50% di e gastunan di e proyekto for di su propio rekursonan òf for di otro medio. Si un biblioteka ta den Karibe, e porsentahe akí ta 10%.

Evaluashon

Despues di e deadline, ta revisá tur aplikashon entregá. Un komishon di konseho ta evaluá e aplikashonnan ku ta kumpli ku e rekisitonan formal, ku ta kategorisá e aplikashonnan a base di kuater kriterio di evaluashon. Ke men, lo no prosesa e aplikashonnan mas a base di esun ku drenta promé, manera tabata e kaso ku e areglo akí aña pasá.

Riba kiko ta evaluá un aplikashon?

E konseheronan ta evaluá e aplikashonnan riba e siguiente puntonan:

- Vishon pa promové lesamentu
- Balor agregá di e proyekto na e opshonnan eksistente
- Kalidat i realismo di e plan di proyekto
- Kalidat i realismo di e presupuesto

Den e nota di akklarashon di e areglo ta splika e kriterionan akí mas aleu.

Ora di konsulta

Bo tin pregunta spesífiko tokante bo aplikashon? I bo ke sa si bo ta bin na remarke? Bo ta kordialmente invitá pa djòin nos orario di konsulta online, kaminda bo por hasi tur bo preguntanan na e spesialisista di supsidio. E konsultanan ta planiá pa djaweps 13, djaweps 14 di ougùstùs, i djaweps 28 di ougùstùs, entre 9or di mainta i 5or di atardi i djamars 2 di sèptèmber entre 12or di mèrdia i 5or di atard (ora di Hulanda).

[Registrá aki.](#)

Konsulta ku Stichting Lezen

Bo ta trahando riba un aplikashon pa e areglo di supsidio di Promoshon di Lesamentu? Bo por pidi un konsulta grátis den luna di yùli i ougùstùs na Stichting Lezen (Fundashon Lesa), e sentro di konosementu pa promoshon di lesamentu i edukashon di literatura.

Durante e kombersashon, bo por haña konseho di eksperto riba e kontenido i vishon di bo plan di proyekto:

- Bo plan ta kuadra ku e pensamentunan di e investigashonnan aktual, manera for di e Leesmonitor?
- Bo idea ta komplementá loke e merkado eksistente ta ofresé kaba?
- Kiko ta inovativo pa loke ta bo aserkamentu, grupo meta òf forma di kolaborashon?

E kombersashonnan akí lo tuma lugá entre 4 di ougùstùs i 3 di sèptèmber 2025, i lo dura un máksimo di 30 minüt. Intenshon di e kombersashonnan akí ta pa reflekshon riba kontenido; nan no ta evaluativo, i lo kompartí e informashon den término general ku Letterenfonds.

Bo por pidi un kombersashon via sekretariado: info@lezen.nl.

Tene kuenta: pa pregunta práktiko òf relashoná ku prosedura, bo por tuma kontakto ku Letterenfonds mes.

Kon bo ta apliká?

E fondo ta usa un formulario di aplikashon online. Bo no por warda e formulario miéntras e ta den proseso. Via email bo ta haña konfirmashon di resepsion di bo aplikashon. E fondo lo prosesá solamente aplikashon ku ta kompletamente yená. Si bo aplikashon ta completo, lo entregá esaki na un komishon di konseho pa revishon. No ta atendé niun aplikashon ku no ta completo pa e deadline.

Checklist pa bo aplikashon

Kontrolá si bo tin tur kos promé ku bo entregá bo aplikashon:

- **Plan di proyekto**, den forma di un *Formato di Plan di Proyekto* kompletá (wak e downloadnan mas abou).

Un **presupuesto** balansá i detayá basá riba e *Guia di Presupuesto* (wak e downloadnan mas abou). *No ta obligatorio pa traha ku e formato básiko spesífiko akí. Bo por krea bo propio presupuesto, basta e ta inkluí tur e elementonan di e formato básiko.*

- Un **splikashon di e presupuesto**.
- **Ekstrakto di Kámara di Komersio** no mas bieu ku seis luna.
- E **kuenta anual aprobá** di mas resien. E eksigensia akí no ta konta pa aplikante ku, debí na poko tempu di eksistensia no tin cuenta anual aprobá ainda, ni pa aplikante establese den Karibe.
- Si ta aplikabel: un **karta di intenshon òf akuerdo di kolaborashon** firmá pa tur dos partido, ku ta deskribí e kolaborashon den detaye. Nota: asta si bo ta kolaborá ku skol, lo no prosesá bo aplikashon sin karta di intenshon firmá òf akuerdo di kolaborashon.
- **Di dos aplikashon?** Si bo a risibí un supsidio di e areglo di promoshon di lesamentu kaba, sòru pa bo proyekto anterior ta kompletá.

E aplikashon mester ta skirbí na hulandes òf ingles.

Aplikante pa proyekto relashoná ku idioma di seña hulandes por entregá un grabashon di vídeo en bes di un plan di proyekto por eskrito.

[Download e areglo Formato básico presupuesto](#)

[Formato Plan di proyekto](#)